

Nationaal Wielermuseum

't **Nationaal Wielermuseum** is e museum in Roeseloare. 't Museum is oundergebrocht in de vroegere pompierkazerne an 't Polenpling. Die oude kazerne (in de volksmound nog gekend als "'t Arsenoal") is hêlegans gerenoveerd gewist vôi da ze 't museum g'opend een.

't Museum goat over de geschiedenis van de velo en van 't koersn. Oud coureur Freddy Maertens was van 2001 tout januoari 2008 conservoator en gids van 't museum.

't Museum gift up 't benêenverdiep (de Odiel Defraeye zoale), 'n overzicht van velo's, te begunn met têeknieng van Leonardo da Vinci (1500), over lîopvelo's (1760) en d'êeste velocipeedn, driewielers en trapvelo's ounderd joar loatre, de uutviendieng van de luchtband deur John Boyd Dunlop in 1888, toet de moderne velo. Ôok gandikaptewoagens, beroepsvelo's en kiendervelo's komn an bod.

Up 't êeste verdiep es 't er 'n tentôonstellinge mè souvenirs, bekers, boais, velo's en pertrettn van vroegere kampioenn. Dat dêel van 't museum es genoemd noa Jean-Pierre Monseré.



Nationaal Wielermuseum

Externe koppelieng

- Wielermuseum (<http://www.wiemu.be/>)

Overgenomen van "https://vls.wikipedia.org/w/index.php?title=Nationaal_Wielermuseum&oldid=289499"

Boovnstoand blad es vo de latste ki veranderd om 21:54 ip 26 dec 2015.

De tekst is beschikbaar onder de licentie Creative Commons Naamsvermelding-Gelijk delen. Er kunnen aanvullende voorwaarden van toepassing zijn. Zie de Gebruiksvoorwaarden voor meer informatie.